



Publicaziuns dalla vischnaunca, jamna 52

Administraziun communal

Sur **Silvester e Daniev** ei l'administraziun communal **serrada** naven da
– **venderdis, ils 30 da december 2016** entochen e cun
– **gliendisdis, ils 2 da schaner 2017**

Nus giavischein in bien e ventireivel niev onn.
Administraziun communal

Cussegl da vischnaunca

Preavis davart la seduta constitutiva

Venderdis, **ils 13 da schaner 2017 allas 19.00 ha liug en halla Cons** la seduta constitutiva dalla nova perioda d'uffeci.

Cun quella occasiun vegnan las autoritads communalas saramentadas. Quella manifestaziun ei publica e destinada per l'entira populaziun.

Suprastonza communal

Lenna da brisch per liug dalla lingia da tensiun aulta Swissgrid

Sut la lingia da tensiun aulta dalla Swissgrid ha il Menaschi tecnic pinau ogra che periclitava il conduct electric. Nua che parcellas privatas ein stadas pertuccadas, s'auda la lenna als proprietaris privats. La lenna ch'ei ve-gnida pinada sin terren communal ei denton venala.

Interessents per quella lenna da brisch ein supplicai da s'annunziar a scret tier il selvicultur communal, SimonCathomen, caum postal 57, 7180 Disentis/Mustér ni per e-mail; uaul@disentis.ch.

Uffeci forestal Disentis/Mustér

Novas purschidas per senioras e seniors el Puntreis Center da sanadad SA a Mustér

La vischnaunca dispona d'in post da cussegliaziun per senioras e seniors. El ei vegnius realisau dalla vischnaunca da Mustér en connex cun il project Seniors-Ca e cun la Pro Senectute. Il post se-sanfla el Puntreis Center da sanadad SA.

Sclariment per damondas en connex cun il tema vegliadetgna survegnis Vus mintgamai naven da gliendisdis entochen venderdis dallas 8.00–12.00 e dallas 13.30–16.30 e quei per telefon sut 081 929 56 56 ni directamein el Puntreis.

Per in termin cun la Pro Senectute essas Vus supplicai da contactar il menader dil post da cussegliaziun dalla Pro Senectute, e quei sut la numera da telefon 081 925 43 26. El ei mintgamai presents a Mustér la tiarza gievgia dil meins, e quei a partir dils 19 da schaner 2017.

Bugen stein nus a disposiziun per Vossas damondas.

Puntreis Center da sanadad SA

Cantar Retgs 2017

Ils Sogns Retgs dalla tschunavla e sisavla classa da Mustér semettan era uonn sin via per visitar ils habitonts dalla vischnaunca. Els speran d'astgar legrar e delectar biars cun lur viseta e cant. Il tur entscheivan els min-tgamai allas 15.00. Ina part dil recav va en favur da «Sternenwoche, syrische Flüchtlingskinder» e la Procap Grischun.



Gievgia, ils 5 da schaner 2017

gruppa 1: Carcarola, Davos-Mustér, Via Sursilvana, Suls Orts, Via Cavardiras
gruppa 2: S. Gions, Catins, Raveras, Giudem Cons
gruppa 3: Cuppa, Via Pervenda, Via Dulezi

Venderdis, ils 6 da schaner 2017

gruppa 1: Cavardiras, Pardomat, Madernal, Faltscharidas, Sontget
gruppa 2: Mompé-Tujetsch, Via Denterpraus, Buretsch, Quoz, Sax, Acla da Fontauna
gruppa 3: Mompé-Medel, Acletta, Funs, Funs-Dadò, Caschuarz

Sonda, ils 7 da schaner 2017

gruppa 1: Disla, Chischliun, Scaletta
gruppa 2: Peisel, Segnas
gruppa 3: Clavaniev, Latis, Cons-su
18.30 cantar el vitget dalla Reka
19.00 cantar duront messa en baselgia a Segnas
naven dallas 20.00 cantar en las ustrias – plan separau

Dumengia, ils 8 da schaner 2017

11.00 cantar duront messa a Mompé-Medel
15.00 viseta Puntreis
gruppa 1: Via da Scola
gruppa 2: Gonda, Via Sontga Gada
gruppa 3: Cons-sut, Via da Scola
17.00 devoziun en baselgia s. Gions
18.30 cantar duront messa sin baselgia da Nossadunna

Café da sentupada

Gievgia, ils 5 da schaner 2017, 15.00–17.00 en l’Aua Viva a Mustér-Raveras. Grüezi – Beinvegni – in discuors cun asilants dil TRZ Bellavista Mustér
«Communicaziun ei buca tut, denton senza comunicaziun ei tut nuot» – Nus envidein Vus cordialme in ad ina sentupada e discuors cun asilants dil TRZ Bellavista Disentis. Tier caffè e tustgets emprendin nus ad enconuscher in l’auter e dein ad els la pusseivladad da trenar tudestg. Il café da sentupada vegn organisaus dad asilants dil center da transit ensemen cun voluntaris dalla pleiv S. Gions Mustér e la pleiv dalla baselgia evangelica dalla Cadi.

Begegnungscafé

Donnerstag, 5. Januar 2017, 15–17 Uhr im Gemeindezentrum Aua Viva Disentis-Raveras. Grüezi – Beinvegni – im Gespräch mit Asylsuchenden des TRZ Bellavista Disentis
«Kommunikation ist nicht alles, aber ohne Kommunikation ist alles nichts» – Wir laden herzlich ein zur Begegnung und zum Gespräch mit Asylsuchenden aus dem TRZ Bellavista. Bei Kaffee und Gebäck lernen wir einander kennen und geben ihnen die Möglichkeit, besser Deutsch sprechen zu lernen. Das Begegnungscafé wird von Asylsuchenden des Transitentrums gemeinsam mit Freiwilligen der Pleiv S. Gions Mustér und der Ev.-ref. Kirchgemeinde der Cadi organisiert.

CEO der Alp Transit Gotthard AG im Forum Kloster Disentis

Am **Freitag, 6. Januar 2017**, um 20.30 Uhr spricht im Peter-Kaiser-Saal der CEO der Alp Transit Gotthard AG, Dr. Renzo Simoni, über das Thema «Planung und Bau des längsten Eisenbahntunnels der Welt».